




*„Мы живем в такое время, когда высшее призвание человека состоит в том, чтобы не только объяснить, но и изменить мир — сделать его лучшим, более интересным, более осмысленным, полнее отвечающим потребностям жизни“.*

*И. В. МИЧУРИН*

1855—27/X—1955

Սովետական հասարակայնությունը և ամբողջ աշխարհի պրոգրեսիվ մարդկությունը լայնորեն նշում են ուս խոշոր բիոլոգ-մատերիալիստ, բնության մեծ վերափոխիչ ու ճարտարապետ Իվան Վլադիմիրովիչ Միշուրինի ծննդյան հարյուրամյակը:

Պատմությանը հայտնի են գիտության պանծալի ոչ բիչ բվով մարդիկ, որոնք հրաժարվելով հետեւել հաստատված տրադիցիաներին, վնասակնորեն պայքարել են ամեն տեսակ Բարացածության ու անշարժության դեմ. նորաճոր ուղիներ են հարթել բնության օրենքների ճանաչման ասպարեզում և զրա համար էլ վաստակել են պրոգրեսիվ մարդկության սերն ու շնորհակալությունը: Բայց ժողովրդի ավելի մեծ երախտագիտությանն արժանացել են նրանք, ովքեր սովորեցրել են ոչ միայն այն, թե ինչպես է կառուցված աշխարհը, այլև թե ինչպես պետք է փոխել այն՝ բնության տարերային ուժերը նվաճելու, այդ ուժերը աշխատավորությանը ծառայեցնելու համար: Գիտության այդ փառաբանված գործիչների մեջ պատվավոր տեղ է զբաղում ուս նշանավոր բիոլոգ, սովետական պանծալի հայրենասեր ԽԱՆ ՎԼԱԴԻՄԻՐՈՎԻՉ ՄԻՋՈՒՐԻՆԵՆ: Նա իր ամբողջ կյանքը նվիրեց իր հայրենիքին, իր ժողովրդին, սննդամթերքների առատության համար, աշխատավորների գեղեցիկ և լուսավոր կյանքի համար մղվող պայքարին:

Հայրենասեր գիտնականի ազնիվ և անձնագոհ աշխատանքները տվեցին հիանալի արդյունքներ: 60 տարվա գիտական գործունեության ընթացքում Միշուրինը ստացել է բույսերի ավելի քան 300 տեսակներ և սորոներ:

Միշուրինը մեզ բողել է արժեքավոր ժառանգություն՝ կենդանի բնությունը պլանաչափորեն վերափոխելու հզոր բեռիան: Օրգանիզմների զարգացման օրենաչափությունների խոր իմացության վրա հիմնված այդ բեռիան նոր, բարձր էտապ կազմեց ստեղծագործական դարվինիզմի զարգացման մեջ, իրավացիորեն ստանալով միշուրինյան մատերիալիստական բիոլոգիական գիտության անունը:

Միշուրինյան մատերիալիստական բիոլոգիայի ղեկավար սկզբունքներ հիմնադրի նշանաբանն է. «Մենք չենք կարող շնորհներ սպասել բնությունից, մեր խնդիրն է՝ դրանք վերցնել բնությունից»: Այս ավանդը տոգորված է կոմունիստական ոգով, և ոչ միայն գիտության աշխատողներին, այլև գյուղատնտեսության միլիոնավոր պրակտիկներին ստեղծագործական կենդանի աշխատանքի է կոչում ի բարօրություն և ի փառս մեր ժողովրդի:

Վ. Ի. Լենինը ասպարեզ տվեց Միշուրինին, հոգատարություն ցուցաբերեց դեպի մեծ գիտնականը: Կոմունիստական պարտիան և Սովետական կառավարությունը մեծագույն հոգատարությամբ պայմաններ ստեղծեցին միշուրինյան ուսմունքի հետագա զարգացման համար:

Այժմ, երբ մեր պարտիայի վերջին պլենումների որոշումներից հետո առաջնակարգ տեղ է տրվում գյուղատնտեսության զարգացման հարցերին, է՛լ ավելի մեծանում է բնության մեծ վերափոխիչ Միշուրինի ուսմունքի նշանակությունը, նրա մեքողների և սկզբունիների կիրառումը մեր ժողովրդական տնտեսության զարգացման բնագավառում:

Միշուրինի կյանքն ու գործունեությունը լավագույն օրինակ է այն բանի, թե որքա՛ն շատ բան կարող է անել դիալեկտիկական մատերիալիզմի ուսմունքով առաջնորդվող գիտնականը, իր հայրենիքի գյուղատնտեսության զարգացման համար: Միշուրինի մեքողները գործուն մեքողներ են, որոնք հնարավորություն են տալիս մեր ցանկացած ուղղությամբ զարգացնելու օրգանիզմի հատկությունները և հատկանիշները:

Կոմունիստական պարտիան և Սովետական կառավարությունը ստեղծել են մեր գիտության համար բոլոր հնարավորությունները՝ այդ ուսմունքը զարգացնելու և կիրառելու նպատակով: Մեզ մոտ գիտությունը դարձել է համաժողովրդական սեփականություն: Բնության վերափոխման գործը Միշուրինից սովորել՝ նշանակում է պայքարել մեր Հայրենիքի առավել՝ բարգավաճման համար: Այս պատվավոր խնդիրը բխում է մեծ գիտնականի կյանքի հարուստ փորձից: